

朱太復乙集

朱太復乙集卷之一

五湖朱長春太復著

賦

中騷

指台心以素白兮曰酌人據而折中粵初烝民  
桐生兮品皇命其植常懸福極之沕芒兮厥視履  
考而物方般吾行蹇迷陽兮庚蘖困而失路孰卹  
沒其驅服兮何邐邐而非天步帝太乙籙司命兮  
台惟降神其有淑玄紀天地之元一兮驛衝陰陽

以交六貞元合會乎母子兮門戶開生而絕續沛  
文昌而座太乙兮建明堂以軼蒼龍前旌庶貞煜  
文光兮玄武下守符以叅同王考進日者以象占  
兮曰直天一之星羅蓐靈苗之若華兮消琅琅可  
挹而不可濟旁六合無以我諧兮繫維耿耿之故  
也軒冕儻其飄雲兮利陵浮塹而登假皇天簡畀  
余以道冲兮又重玉之以殷憂鴟鴞毀我室而流  
離兮黃雀空倉對而啾啾沉沉二豎回死以生兮  
并日枵枵抱筭而閉戶攬墳索之纚纚兮餽便便

之竹素藝瑤圃之奇橐兮丘同壇之嘉樹爰受五  
行於司齒兮族寶成乎行吾艾幸披先春之朝英  
兮審恐秋實之實穫慶永芑之有詒兮仍遶玉之  
沃沃歡枯魚及三釜兮泮沐河潤之恩波艾白華  
之未落兮嚴霜冷乎忽焉悴柯聞事君以為親兮  
天乎鮮民之生已矣曰勉移孝以不辱兮行遺體  
之庸可冀上披皇攬之邃荒兮下挹湘漢之流風  
抒經緯之衡縮兮設文質乎繪工被靈圖以寤寐  
兮思服彼古聖之從容夜雪深之黃苦兮晨春溢

於白堊申起三號以警旦兮敢竭晏酖而居居貌  
榮名之非志兮周容乎世非吾慕三王異治而同  
風兮何獨不伉而修古疇有美之匪衆芳兮疇二  
心之以事一猗采文木以仰構兮思序紹庭之遺  
則侘司祿丁不辰兮越投符乎海荒斥白灝之霑  
霑兮霧露黝其逢殃託九奏之牢慙兮引長休乎  
急吾生瞑慌慌下大士兮白霓衣兮青纓第曰年  
歷限其隕盡兮回女逝魂以陰德綿早服喜勿藥  
兮生再卬乎東日幻人命駛流波兮詎溺吾行不

知止也沛方舟泝上征兮夫懷美人之以也朝依  
彤雲於象闌兮夕氣駭雪乎長鯨屯吾行坎窞倅  
兮不及泰符之晏寧華皇皇以奔星兮邊烽又耿  
以屬天不忍見拊髀之獨立兮泄泄燕燕幸以無  
然昭明燔于中階兮白晝亘於左樞轟青天迅雷  
鼓兮下魁六而執法誅嚴霜之下無條木兮車前  
覆其後誠何疑陰之閔陵殺兮百舌反聲而黔喙  
上移叢神崇光恠兮下障雍川而橫決登鵠臬於  
三鳥兮機雀揆而雕鵠節堂下于萬里兮既不令

達君之聰明輓羊裘而嫚和兮將遂無媒中國之  
威靈闐盈廷發其無人兮臣獨非君之義豕抗蹈  
海而自奮兮義在主辱而臣死閔人貌不可變兮  
人之心亦各有取喪吾天之孤罔極兮身非吾君  
而誰許入灑潢潢辭婦子兮出赫香而籲皇天旦  
排紫宮以吁閭兮暮行狺狺黃扉之門螳道臂以  
當車兮奮九折其弗恤張空拳徒暴虎兮賁不自  
程其力寧是連鷄哆鳴晦兮寧是操刀而不殺人  
羸器漏以不密兮果興戎之害成九首夜飛而嗥

鬼兮三足景弩以蔽天箕舌搖其附耳兮古之好  
盡者死何不然天地若為訶有神兮

明王又答其無郵白日當空昭寸心兮吳不郵幕  
霧之油油三易

詔落生選兮何

帝裏不熱一小臣出庖人之湯鑊兮放蕩蕩乎枯  
魚之鱗於身死而言行兮壹沽直非本願也拔九  
土而對三辰兮明日逋臣之餘筭也褫葱衡之綬  
鞅兮襲薜荔之初衣狐黃黃之不濡兮固不如反

朱太復乙集

賦卷之一

四

杜三十一



猿狙之所宜辭五樓而逞雙觀兮步三達而出九  
門遙邁邁兮往矣莽茫茫而若無隣顧裴裴兮懷  
矣廓廣廣之中無人壹君親其天性兮寧悔遁而  
有他今誰父母之屬離兮畢吾生而敢有遐勒余  
馬之斑斑兮霑余袂之浪浪心膠結迷其紆軫兮  
行踟躕恐其不當九天爰其不可問兮后土空何  
其恩濁進知愁懣世之不可兮退又虞浪流而離  
垢蓋聞落落而冥冥兮聖人之道一龍一蛇田河  
舟訪吾友兮相與權同病之寃罔曰遵大涂之何

難兮君子敬履錯于固窮行相時而協中兮子之  
放不與靈均同彼席黃昏之成言兮子遠而諫以  
尚疏社竭譖妬不行兮安怨靈脩之數化固女指  
正于九天兮

明君亦既察見於重淵弛數咎而縱大壑兮生餘  
何而赴江潭聊樂相忘於江湖兮遊逍遙以忘年  
敞浩蕩之六幕兮曠遠度乎思玄晨揚舲下天津  
兮夕艤望而失碣石眇九河以陵秋水兮招淮風  
而拾江月忽

君門穆其遂遠兮誰當挽注海之東流長干澌澌  
汎何薄兮夜蕭蕭呼與婦謀曰而清羸風嬰患兮  
又顧頷而割喪家幸皇天幾死之散木兮寧于世  
而求多維

君苗楹而不殺兮臣故當闔門而引罪不見南山  
之落豆兮竟歌嗚嗚而死市翊閔荒徑之備竹兮  
潛采橫籬之菊英歸去來與君鋪糜兮

天子命之民曰耕洵余情畸好姘兮世又庸庸其  
惡直既如弦而倖道邊兮又胡行周流而不絕迹

空言誰何補國兮敢身被罪而陽陽  
嬖冒退而為進兮愿余心而人被名  
蓬蒿封以載道兮雀喧喧來其迎戶  
曲蓋經其阡陌兮引田老而問故豈  
曰無家民無衣兮敢招搖市而反故扉  
止白室而攬玄對兮湖水洋洋可以樂  
飢招小山之竊清兮獨枉公子乎古朋  
把余臂於林間兮塞余裳乎水中被滄  
浪之濯濯兮振泥波之獨漉指白霓之  
朝隤兮淪陵陽乎始于未復歸喜行乎  
提扶兮蓋非栖食於人間道與貌天選  
形兮

君王適賜之長閒身與名孰親兮世與道焚其交  
喪盡藉白茅亨丹鼎兮僊僊乎樂性餘之無竟夙  
吾慕夫遠遊兮睨曾城而采真過雲將于閭闔兮  
吾欲叩乎谷神之門旦登壇秉皇筭兮纂九洛而  
問巫陽卜史眎余以吉占兮籀貞井而上之升列  
寒泉以待食兮儵階平地而登吉養不改以不窮  
兮征大人其南吉濟上善之王百谷兮泗五車亘  
而經天澌何溟溟運徙化兮道固居所而用遷周  
環元輿渾如斯兮傳曰井德之地也動黃鍾而興

上功兮瀚扶搖乎神哉沛也發青囊以相協兮商  
蘆中乎宛一方斷沙棠而承宇兮結琅玕而為堂  
牽昔耶以遊屋兮纏繩接余以葯房綸魚山之可  
殮兮杓不水帶而為觴鳥啾嚶萃竹末兮魚育育  
相於中唐芙蓉萃其為冠兮蜺陵霞其被以衣笠  
草黃黃曲離離兮蓋竒幼服之非儀辭五噫之梁  
案兮伏三淵之列屢固經曰害生於恩兮牙斷門  
乎姬人怨殺機冥冥一氣神兮移天地而三反恍  
恍乎招搖帝乘車兮御龍雷而集尸居六丁班紛

儼陳衛兮倚黃房而詔予朔兆連蜺金毛玉師兮  
吾故導鈞天而下生達獸獫狁薛狐猖兮吾將寄  
覆難以適鐸吾命東皇迎長南陸兮西月庚生節  
於甲子合符節道德兮繫匪貽曰富貴之士媿  
交水火以降升兮闔闢乾坤乎終始局密藏之金  
齋兮希乎若茫而若存浩乎混不可以岐兮利愈  
有以與人萬物為載兮扶輿為輪驂鴻濛駝三極  
兮越葆旅轉乎天津叩玉箱吞一九兮塞金華注  
乎上池濯湯泉嬉融峰兮水玉含上下乎雨師

既緇之卒歲兮，膚鴻臍而霜飽。既飄飄生無為兮，  
兮余其馮虛儼乎顛顛。靈蛇鳴風，曄以騰兮。燭龍  
啣珠以照道，蜺蜺引潔，飲於清露兮。祝蜺現化，易  
而從陽。鳳皇挾其翬，差兮霍渚。翔翔乎笙之簧，白  
鹿雲中駕搏桑兮。日入出乎來，嘗黃梁文重下飲。  
江兮噉天鷄，司時夜從目九首。魚當關兮徘徊顧，  
春草芊萋在下。將橫飛畏其擊，征兮欲長離而子  
無朋相天下。猶是兮何西涉沙，叩手關門世不可  
遺。吾何之兮首戴天之印，印爰烏生之桂樹兮伏。



鷦居之宿葵性淳慈植其貞固兮松斯壽而火斯  
象跳日月環無終兮人錯行而世與推爪斯甘而  
蒂苦兮竹斯苞而筠不移御冷風吾逍遙兮雲溶  
溶乎般承宇鳳胡翼翼於羸臺兮鵲胡梁乎漢渚  
帝子眇其雲中兮降相要娛乎古處既藐彼赫腐  
之竊竊兮翩翩焉高陵吾羽亂曰浩浩乎世非莫  
我知兮

天王自明天命磊磊誰當懷兮時乎芒其未馮竊  
恐行一往之惘失據兮中余心而弭自平儀

其疇庸兮優哉善寬乎游於衛生之經

中騷自序

昔之論曰屈原之忠忠而過屈原之過過於忠  
余讀騷而憐其志反復其指有概乎過也屈原  
之過過於怨屈原之怨怨而忠夫資于父以事  
君得志慎庶不得熱慮故安於不擇地而命於  
無可奈何莊生道者也且然申天下以大戒必  
如是而忠孝至何以一被于口畔牢不自容怨  
數化而懟自湛竟從彭咸之居于身于君兩不

為地乎將無比於舜之閔天怨慕哉君子故悲  
其忠按之文王美里之演君子謂為過矣書之  
蒸蒸易之明夷此聖人臣子之道也無異乎後  
之人弔者反者按其聲訛訛煩稱矯以大過要  
奪西山之薇而進強飯詠行露以止日當心何  
其諄與此又不啻于申生孝已之志者也甚矣  
處騷之難也余幼矜節好詞賦安希旦暮附屈  
子之同調不幸而從屈子同放猶幸而不與屈  
子同怨止情當平遭遇各異是在折衷焉方東

便逃或氣志羽

子霄肝鼎樞大臣志羣臣今國中朝之口先  
日還御史學程於

詔獄論死又三日郎元聲疏上又二日長春疏上  
當事搢以候補小臣托持亂政

天子既下

旨廷杖之矣再追還三易

詔放為民脩六尺仰三光此身非父母之生也怨  
乎不怨乎其懷乎日月既昭江湖自浩無謂而

懷沙墮

仁君之所生義不敢出非成言非中謬冒而指靈  
脩之化心不敢昧悻悻一脫批鱗之下負狂瀉  
陽以罪為名云獨醒亦醉也恥不敢犯終已漫  
浪方之外而適生之初慙焉謂無慘而教自寬  
違循本矣亦中所不忍也于是發其情止其禮  
率其辭揆其方歷生平家世也難百憂九死之  
餘及當日之事上記

六丁浩蕩折檻肉骨再生之鴻恩下

養生適弗諉以逍遙無何之隱志事校文究裁  
為一篇命曰中騷愚不自量曰中之騷騷之中  
乎云余博依要眇深忠無獲湘纍之百一千寫  
曲按節比音變方或在北面之間稍沿一二曰  
楚之餘波乎夫詩變而騷騷變而未嘗非詩風  
雅初末之中楚辭之淵源也入漢大盛唯小山  
枚馬流異以不失其派子雲詭奇以降濫而江  
左則歸墟矣審聲知音難言乎難言乎余昔為  
九懷今為中騷聊寄託千秋儀圖步趨之區區

不自知合累以俟後之師曠定之相如振之斯

其賦心哉余無能矣

中二友馬經倫侍御白何人茅國縉水部同年里人

德嘏頌為雲間許太寺維新上頌太公八

十翁

五章

鹿豸莘莘止於樊有豐園草曠不如原於衛君子  
寤寐靜永矢飲惟繁何晞曰唯淦式比德式舞熙  
那該皇羽匪時用儀暉綏而

門有藁木垣有遊屋錦帶垂綏狸製卉服居人如  
玉曰伊歲悠哉鼓歌嘯懷嘽嘽履不回比韞白璞

匪雌匪雄起久彼冥鴻翻蜚雲中丁生弗逢辰我  
思古人翼翼黍稷實為侯薪翹翹大弓則莫招以  
采

純德大良孔禧介昌績藝允常展勤徂基既閱有  
堂中寢與與廟翼翼跼張延棘藩圓樹栲素桑亦穡  
東畝從拓其疆麻穰稷梁牟種陽陽春月既雨出  
杖徒屨薄往觀野命耦服耜十千犁舉夏月翹芒  
秋月布黃䟽䟽將將載碩載薌冬月銍藏脫粟播  
糠築圉如京齊彼赤濡湛熾酒漿



春月既香鄮白造清津戒賓朋宗長子姓燕旅既  
喜鼓鐘賁起載延隣里歆豳迭舞堂下列來羊牛  
牧思潏角羣千仞仞傲傲浮觥勞勞遠比具來越  
畔經丘余耕不給言于責我服

蝦長也大也天錫薦之亦錫矣太公奠之沉其陸  
矣亦不顯之定保孔臧爰田再息厥藝畬蓄松柏  
匪榮長弗替引枝蝦爾龐考介壽昌蝦爾子書登  
王蝦爾孫經四方杖鉞皇皇底略東荒蝦爾伯仲  
次簣鼓簣蝦爾門閭詩書冠佩維行蝦爾冲魯孫

繩繩振芳曰天唯大庀德曰大公唯滋唯植於猗  
奕繼序思勿忒

續招二章

有序

閔二師也一博雅溫文醞荆山之玉一  
貞挺練要出吳冶之金民譽人倫蔚然  
鼎鉉干城之望也然而德修來毀木高  
召摧或以掄才啓風波之口或以指奸  
中沙影之射竟以遯思空谷勤華四方  
功名不竟年壽無長四海猶冤之况在

三一之義忘糞本之思江漢滔滔視無  
知乎爰述高鳴之屈效報恩之啣附托  
差王之思通變拍騷之體各為吊文百  
拜哭之時有先後其哀一也命曰續招

二章

其一啣招

吊宮詹蔡陽先生黃學士座

師

啣夫子墓王弼兮猶不適兮啣夫子  
濟淵寒兮漂不終食兮啣夫子蜚黃  
逸兮中駕以奔軌兮啣夫

子經文織兮關茂補職兮惜夫子搢橐嘉植兮薦  
不食碩兮惜夫子攬組群策兮不救今脊脊兮羌  
畀夫子蒿蒿目營世兮咽齋志泣兮誰摧夫子中  
折極兮人妬人爵又天札其天祿兮惜悲咨夫子  
直司命危兮諄曰謂鵠雛嗜鼠兮縷蟬不廉女懷  
清行露兮西王母寢不鮮剥棗去嬪兮拾塵猜賢  
車鬼張弧兮與羽沈船塗施榛刺足兮指俛食夫  
瓜田吠聲屬衢兮射影據原施譁兩翼兮木鴛上  
蜚天重曰皎白日下昭兮矢九天其呼也荃獨登

予幼清兮無何訾訾之故也相斧集翹林兮曰名  
爭之器也揉丹堊溷傳莫辨兮蓋謬中人之善態  
也世既莫能容兮綏白駒而理初衣卻迹五羖躡  
一壑兮巨壑澗邁乎石渠白露未塗嘉卉剝兮傷  
蟪蛄之聲早摧伊懷美人不可忘兮重陽春秋而  
咲白日頽壯不可留忠不信兮粵古人之已難居  
矧曰憑要眇于四愁兮詭歸田所賦隱倡歌南山  
間吳歆兮耳熱呶呼以悵忍空市門延晷兮憐  
君為卞鄒酒酒而近嬾人兮疇明魏公子以祝死

伉年生存雄忽淹已兮託心化碧彊為神厲解曰  
玉琢金追嫫選刑兮五兵四庫雜物充陳兮操蛇  
彫龍吐明月熒兮先鳴擅場衆雞反莫爭兮虎觀  
皇池步玉盈盈兮陳詩說禮襲金華旃兮馮席御  
天子見顏訢訢兮俞大毗

一人臯坐三兮爵柳志蠲信獨耿在天兮三世食  
王佩玉藥承兮藝畝崇蘭發玉英英兮遠猷留悰  
克家代有終兮既胙穀淑問擅竹東南兮弘取美  
施魂亦無嘆賴生兮招曰六宇扶輿鴻廓翠蒐無

先大令公集卷之二  
見三十一  
唱被驚馳憂曲皇廣榭曠靚幽陳舄皮弁冠藻旒  
桃笙斐几毳幣裯施圖布史侯度厨菖芝范爵加  
豆羞五醑五齊酒醕流集心所暱文侯曹彈基攬  
箸五木遁下管間肉遶眇餘三五都靡儀靜愉人  
間徵樂足移尤何用畔牢心繆紕自迫厭洫命無  
修酌清歌此歸來招嬉容與兮沛衍遊亂曰大已  
休乎神僊真函誰與期富貴娛盛樂乎長遺曩古  
聖賢名業勅乎昧焉浮塹曰反真于常宅乎與天  
地悠悠亦魂氣無所不之抑何生湏臾之閔悲

詒招 帝座師江右臬使前吏科都給舍張

慎吾先生

詒賢環中毒正阿同嫖閭結佩施旦無容施帟刃  
牙關關九重波浪王脉含影射工嗟只先生覲閨  
鞠凶揚火竊鉄陰行乘權施翼張爪四乘白鋌柱  
薄釵折范金瓦全倅突蹈括矢毒淬炎匪矢淬炎  
有鼓齋扇濕樹首垣惟鄰招只招不涉印又披昌  
只溺燼為灰燼滅自取嗟匪先生明夷貞矣敗素  
爰紫摧栢當薪第兩垂天與伏匹羣上閑十二卻



駢牛蹏駘姪華粧跣侍執比疇哲司調函牛滄雞  
洪鐘里耳嚮激恫疑曰悲先生亦神匪幾桓桓允  
猶著赫論麻皇皇燁燁立芥出車國望繫嘉干城  
萬里誰柶穿垣弗茸弗俟伊行幾何羽燧沸麻鑿  
凶推捆既乏為嗟嗟匪先生天子于屏綢削隆棟  
橈敝為輪軋缺載奔負鹽陟峯敢曰燕媮大邦勤  
渠豈不掩頽歲周以餘諗曰渥君寵之晚收顧周  
行其盤回九門願以遼闐惟疇以不永懷坐四風  
蓬宇來翳中天漲浮埃木蕃廡絲萎絳延芳茹立

獨征望太室之顛顛憲誰生以厲階驟馭馭以盡  
力歲冉冉以促衰白日揮莫可回忍闇服之騫騫  
骨靡勩而神愉聞長恨于重泉臯曰人貌榮有既  
兮國爵不足益矣達蒼憊遺細兮死生駛旦暮矣  
何不悻委組游兮超與天地友矣昊天昏以復晝  
兮誰能長騫越神宇矣奉遺音在手兮慤慤曰勞  
人稿首矣將築宮兮山間綰薜荔兮施垣飲靈泉  
兮芝之阿吸玄霧兮中天弟子奉璧坐進兮曰無  
為之先差池兮成言魂一去兮不復還穆吁咨衆

身如行乞食  
兮人世難為  
兮天下有仙

朱太復乙集卷之一

朱太復乙集卷之二

五湖朱長春太復著

詩

古樂府

丙申

計十九首

馬御史歌

經綸

顏為忠臣那得為朝行上書暮削歸桑乾河頭林  
樸邀筍魚為梁茅為屋屋中何有書百軸棲我冥  
冥良可欲回車訪子城南阿與子攜手臨衝波截

葵裁鯉命晨食白日欲暮悲成歌黃金築室珠為  
堂兩宮宵火熒皇皇

陛下震驚跣襪禳上天威怒俄赫公誰曾言之馬  
御史吁嗟御史忠臣哉忠臣奈何不召來

秋夜曲

促促昔昔夜何許蟋蟀如啼復如語明月初出照  
秋水東家女兒可十五拂石三更動雙杵羈人獨  
坐起高歌小婦牀邊泣如雨

長安十五曲

上馬吹

上馬挾橫吹，鞭垂楊柳枝。  
拋鞭過新市，誇是并州兒。

紫琵琶

青紗油幘車，夜過丞相家。  
珊瑚錯綺席，一曲紫琵琶。

賓未歸

鳴鞭過五侯，挾瑟歌三婦。  
衆賓酣未歸，試作小垂手。

五陵兒

五陵豪俠兒出入紫駟馬黃金一朝沒夜卧酒壚  
下

御溝花

朝辭西籞輦暮入北邙山花落御溝水一去不重  
還

河間女

莫惜黃金錢沽酒樂何許且聽市上兒夜唱河間

云

侯家少婦

侯家少婦年年月吹長笛夫壻渡遠西三年歸未  
得

府中鳥

府中鳥夜啼一從驅馬出獨自伴霜  
栖

羽林兒

寶刀不磨口頭上髮如帚自稱羽林兒坐賞新豐  
酒



將軍奴

馬懸金僕姑將軍麾下奴城南朝罷獵來戲酒家  
胡

丞相迎

翩翩一坐驚云是樓君卿垂鞭未下馬丞相出車  
迎

青樓夜

城上打五鼓明月墮當戶織手覆金杯學得宮中  
舞

長安馬

蹄踏長安裂礪嘶猶橫行寧為車下死不向草間生

西風吹

笛仙舞未終秋扇歌難絕西風不解人吹入長門月

雞鳴苦

閤頭晦風雨晨雞鳴正苦且走尚書門莫擊丞相鼓

渡河曲二首

九月行人朝渡河  
西風索索吹秋波  
黃沙蔽天不相見  
黑浪如山行柰何

公無渡河公莫嗔  
河水湯湯迷問津  
公行不信風波險  
只看前船驚殺人

戊戌計十首

姬人怨十首

纖纖初月碧霞鮮  
宛宛芙蓉秋水娟  
郎去尋真向何處  
人言妾貌是神仙

割愛空牀却怨誰遊仙便是下山期只聞人棄長  
門閉何事天教白地離二

不教攜妾上津梁願乞壺中靈藥嘗飛向青天入  
明月隨君夜夜照丹房三

曾侍金爐捧紫泥也聞道記不休妻妾身分不窺  
齋室何用孤居度水西四

洞口桃花空復新劉郎一去已過春朝朝自煮胡  
麻飯流出溪邊不見人五

劍爐雲雨逗春光別說仙家有樂方薄命不如河

上女調琴夜夜會中房六

玉池隨地產黃芽何事遊仙定棄家不見吹簫秦  
帝子雙雙跨鳳陟青霞七

淚盡三更人不知仰頭唯月見相思憶君溫火情  
投處政妾寒燈腸斷時八

豈有天龍護玉房愁無童子候爐傍不知夜半還  
丹後若為添香掃石床九

昨夜齊心懺佛前願持清淨奉金仙比將眷屬同  
鷄犬也逐淮南得上天十

請君莫住金屈色聽妾長歌織錦辭閨裏日裁一  
疋素官家常怒五紋遲漢宮傳造多新樣秦地桑  
蠶異昔時誰為采樣邀帝女乞將支石代穿絲

### 采山使

五丁力士翠雲梯九鼎神仙丹竈泥銀甕曾歸漢  
關下金牛不過蜀川西王檢石牀靈洞啓曉烟春  
樹帝陵迷可憐萬壑山精嘯併作三聲猿夜啼

### 除刑女

孤魂化作鷓鴣飛萬里隨郎上關啼夜入夏臺柶

玉燕朝依閭闔聽金雞請看東海倉公女未以南  
康太守妻一死不能除漢法又聞緹騎下湖西

泣珠人

魚鱗為屋貝為堂制作龍文謁海王但見璣屏歸  
北關不知魃魍毒南荒舶胡翠織春雲色泉客珠  
銜明月光生死直探龍領下且將照乘奉君王

甲辰

計二十首

錢唐婦

錢唐小婦羅粧遲坐對桃花淚若絲郎去九河邊

冷落妾家三月戶蕭蕭南魚北雁無消息東成西  
征未了期為借春風報相憶年來柳葉妬蛾眉

武陵谿

築宮薛荔薜蘿蔭得到仙源路已賒婦女三春事  
蠶作生涯百里藝胡麻村墟物外渾忘世鷄犬空  
中別有家總是雲深深不見漁人何事怨桃花

無相見

代內

底事求仙苦斷家也愁獨卧冷烟霞郎君十載脩  
丹藥少婦三春怨落花洛水月中遺玉佩天台洞



口泛胡麻于今只尺無相見那况三山弱水賒

陌上女

城南桑葉似花黃籠結青絲出採桑宛宛柔條陵  
翠袖融融朝日照紅粧君王陌上空相問少婦東  
方自有郎誰道含情不相憶銀箏一曲斷人腸

游女曲

江臯游女浴新蠶欲奏羅敷思不堪却坐含情望  
鷓鴣一聲春盡五湖南

蠶婦苦七行

斜施白玉簪停燈夜護繡襟桑刀切絲刀快手指穿

楊枝綰作筐晨行陌東頭雨下濺羅裙泥滑不得由

箔蠶齊四眠乍理鏡臺暇自解籬下船城南問桑價

蠶頭白初肥日長易苦饑脫奴頭上釵賣錢買桑歸

著火上山頭抱被下山歌夜聞吐絲聲明朝滿山

雪

湯沸析薪多獨繭難上絲徹夜繅車聲即言負租  
遲

張弓擘同功綿落如我烏毛兒女羅牀頭倩郎苗作  
袍

田家春七行

東風釋雪時魚負白冰游伐竹絲纍纍一竿魴兩  
頭

鑿陵種宿麥常苦食不周昨夜春雨生麥葉何油

山

土鼓伐田田歌舞  
祀豈年擊牛烹公社一飲人千  
錢

南隣杏花黃穿牛  
繡羅落方雨行荷鋤東臯起田  
作

澤蘭被徑生牀頭  
新酒熟傾壺饅耕者醉抱牛車  
宿

方唐水一區種魚  
復種蓮蓮葉如蓋時魚來戲可  
憐

桑盡燕將雛  
蠶麥一齊熟  
市酒婦炊新  
相勞苦不足

乙巳 計八首

春閨曲三首

十年關塞隔燕雲  
羌笛誰家月下聞  
一曲傷心折楊柳  
教人不忍望夫君

玉顏歲歲度春衰  
鏡裏脩容却為誰  
又是桃花飛欲盡  
如今無淚向風吹

坐銷紅粉羅重施  
自古人悲生別離  
花落江南三

月暮春歸何地不相思

有所思

新裁半臂目方羅著上帝痕乍已多落盡庭花人  
不到春光又是一年過

擬長相思四首

粧成閉戶落花垂獨坐傷春怨是誰羞遣黃金問  
詞賦離情不與外人知

白馬桃花染玉輪狂夫西逐五陵春狹邪陌上傾  
城女翠袖瑩篴醉殺人

誰將錦字喚郎還，只在青樓大道間。  
三月蘼蕪滿山綠，江南春盡落紅顏。

分明雲寢見容輝，起下流蘇卷故衣。  
不忍啼痕月中汙，春風留得待郎歸。

丙午計二首

布漣行

布漣難縫，奴指穿三更燈落月孤懸。  
殷懃看取針頭血，知是啼紅故枕邊。

驅虎辭有序

山中虎孰與市中虎足攫利爪手張飛  
翼心厲寸刃殺人毒于鋸牙白日橫走  
索人而甘其肉虎可避也人而虎避於  
何所吳興為甚負隅莫有撩者太守陳  
公下車首縛而斃于樊中威命所震州  
縣望風渡河民卧晏如矣鄉人攜黃扶  
白連臂游歌為驅虎辭述之

君不見西吳猛虎不在山魚然四走驚人間白牙  
刃鋸口盆亟啞人大道吞心肝翼能飛天復潛谷



獵夫張羅莫敢逐所至白日空人烟何況羊牛狐  
與鹿府君下車憑怒之猛虎當道安問狸山中虎  
出人可避市中虎逸非我為礪爾矢斲爾弓命彼  
勇士搜蒙茸一朝縛虎殲其渠外戶不聞民安居  
荆溪周侯斬虎人今日復見梁溪陳

丁未

七夕怨

那堪破鏡影相照倍關情機落故絲斷衣澣新淚  
盈不能遮鵲駕慣自怨雞聲薄命天無念長河淚

已傾

朱太復乙集卷之二終

朱太復乙集卷之三

詩

五言古詩

丙申

行河作

北上涉黃河河高多險難奔濤越衝風搏擊生迴  
湍蛟龍陵其中馮夷驅為患舟行如上天進退無  
常端客子懼漂流食寢不得安昔人泣太行此道

豈不然薄祿牽世途欲發再三嘆

河干同客飲

芳草被河洲征夫阻津梁置酒臨河干攜手同寒  
裳垂楊何萋萋阡陌縱與橫宿麥秀中田牛犁儼  
成行農歌應田鼓藝事由先王我欣暮春月百物  
熙載陽遠望可當歸薄遊姑徜徉請客盡斟酌無  
為懷故鄉

去國五噫五首

嚴風吹北門晨起被布衣入朝拜

天子恩與言旋歸行行望銅龍淚下不可揮豈曰  
戀微官所戀與

主違浮雲塞中天白日皎何期臣言有不信誅殛  
固所宜仰指北辰星可以喻臣私顧瞻周道榛蘭  
蕙岳以稀况我樗櫟材落、何所為願

君自保業允百慎惟幾一

步出正陽門遂遠建章宮我行而遲遲忽已大道  
東四望 雙闕間浮雲慘以重念昔初事

君班行盛朝容去去十五年莫莫仍匆匆匣中有

良劔耿若舒白虹寶之品已久佩服期成功一日  
未待朝一言放歸農折彼楊柳枝欲別傷予衷漸  
車入泥塗此道何時逢二

長安何所見道路多狹斜相逢行馭馭軒車白鼻  
騮朝經黃門第暮入五侯家入門置尊酒挾瑟唱  
齊歌翡翠珊瑚珠錯列間瑤華觀者但驚歎來自  
海東涯娛樂相結攜自謂長榮華

君王方晏寧輦轂驕浮夸不復惜傾覆安復顧瑜  
瑕客從遠方來閉戶局雙足慷慨抱朱琴當軒泰

清曲不惜知音稀但傷弦柱促去去逢此時居寵  
不如辱三

同袍二三子送我至東陌當車前執手各各慘顏  
色結交斷黃金相期展明德鴻鵠去其群安云施  
羽翼行者歎爰離居者憂不測行者老丘園居當  
勉陳力浮沈儵以深音響邈何得幸有一觴酒聊  
復須臾立行行酢復酬贈處不及暱樹蘭荆棘中  
勉矣勿自失四

冉冉女蘿絲緣緣托松枝豈無垂條木貞固貴不

移少小同禦窮甍勉守渴飢當貴念居約寸心幸  
無違所攜入官來不為割肉私吾能甘藜藿子亦  
樂餽糜耻身求要津所得不如虧涉途途艱難獨  
行進愈危筭中有縞衣聊樂以同歸萬里往復還  
感歎為五噫五

荅倉曹崔傳甫二首

蕭蕭戶中枕穆穆河上居征夫當去國躊躇病前  
途嚴命不敢宿偷生聊斯須逐客多畏人闔門塞  
其樞使從天上来遺我故人書開緘讀未窮淚落



霓衣裾一言長離別再言慎起居時事值艱難行  
矣愛其軀昔賢賦懷沙吾望于子殊一

慷慨恥國難忠義豈不然生不逢清晏發此孤憤  
言矢心效區區放逐我所甘去國日當遠憂

君日以煩譯書自東來海波已平安故人何感激  
吐憊摧心肝不忍倒首足欲蹈魯仲連棄置無可  
為聞君言三歎蕭殺方進御蘭蕙多摧殘國事  
日已非安危在仁賢願勿輕出口潔去良非難二

贈中書丁長孺

高車臨門前云是故鄉客翩翩皇華使友 命入  
京邑憐我去國人相過慰疇昔自從放逐來未曾  
枉車跡感子用意厚呼僮覓巾櫛作勢三下床長  
歎不能出豈不悲異鄉思欲見顏色牢愁纏疾病  
勉強不自力郊邑多豺狼道塗長荻棘客子居畏  
人欲言不敢極

陽信故弟子張主敬荀文祥等候送安德  
作別四首

河干俟我者儒服紆翩翩問從何方來故邑北海

邊陲彼鳴琴堂綢繆有成言維鳥戀故羣乖離生  
所難昔者嬰疾病今者逢播遷未見良渴飢既見  
血無歡曰言道路中同患感古賢悲至不及涕相  
對指心所青青見子衿自我已三年一

惻惻對故人悽悽望故墟海雲冉冉來寃在城東  
隅昔遊血匪近三歲結其袪朝與子翱翔疾病忽  
以拘將恐日憂生子所見瞿瞿倉卒棄官還所急  
微其軀丈夫行有懷常慮霜露催幸以保喘息復  
與子相於百年良幾何人命無根株勿復歎流離

生逢且相娛二

桑扈食有餘黃鵠常苦飢烈士人所讐皇天亦何  
私出身二十年未嘗入朝超既來不逡巡一言橫  
見摧亮非柔如葛安能附高枝人亦各有心犬馬  
報其私臨關仰天泣國難迫我憂誓將捐微軀  
竄伏當何辭臨官恥苟榮宿昔子所知三

維舟命尊酒觴至不能揮婉彼二三子汎汎前追  
隨誰為四海人不念生別離仰視浮雲馳悠悠去  
何期古歡感爾懷急難增我悲河山邈何欲皇

路傍未夷誰能載馳驅命駕紆長綏德音耀景光  
日月扶昭回子其榮高足吾隱矣何為四

涉江二首

方舟晨涉江水落江瀰瀰遊子近故鄉悲心耿未  
已起視鴻鴈征翺翔自成侶天寒霜雪苦避地忍  
羈旅南來開路長一逝幾千里自顧傷羽儀冥冥  
息爰處誰當遺遠者高飛從此始一

浩浩江之水我行御天風天風不可期行止何能  
同人居一代間所願揚微功富貴能樂生誰獨嗜

困窮所行是或迷所失陷其躬瞻彼江上流滔滔  
傷吾衷息心歸故山服食依喬松二

渡江懷鄭允升給事二首

渡江有所懷乃在江上游山勢鬱峨峨金陵據石  
頭帝京不可期念我友悠悠霜露方殺時萬物  
皆稿愁穆居觀變化豈不悲慄秋磐石亮以固洪  
水亦漂流黍稷不成實苗穗徒油油知子有苦心  
懷璧慎所投顧視入山者棄絕何為謀一

江水日東流有時復西還我行入深山何時復周

旋意中兩相知不得相與言欲托上潮魚寄子以  
華牋憤結有隱辭筆札不可傳涉江行已秋瑤草  
肅已殘采掇不充囊一握再三歎子幸識區區此  
物心如蘭二

歸田五首

萬里奉嚴命我征匪皇息顧承天地仁生已入鄉  
邑四望何茫茫涼風歲行夕臯原被宿莽所見成  
朽物寧衣涉川梁忼慨發顏色彼丘有菽麻唯山  
有苓朮聊復永栖遲素心託磐石當年不遂志富

貴復何益

上天騰萬物榮落歸至德敢以棄置身陽陽傲為  
得郭中有故廬四車不敢入豈曰與世仇負罪在  
草澤奕奕公府車駕言過空室而復蘭相招敢作  
固逃匿被褐歸為民禮則殊賓客我聞古人語陳  
言退而伏竄跡田畝中優游守往役考槃賦在阿  
茲義良可則

上

故居倚市門寂莫不時開今行伏田間賓客誰當  
來所親二三人迎我溪水涯空名强慰藉容色慘



欲衰鄰里不知者相詫歸何為有官不努力枯作  
丘中壘相彼蠅與蟬受性兩不譌人亦各有心富  
貴終土灰此意難為道愜息中心摧三

閒閒陌上桑秩秩區中田脩脩徑間竹泌泌巖下  
泉宛宛水中居靄靄隱者屋悠悠春行違莫莫秋  
來旋青青鼠壤蔬鬱鬱蔓中園役夫懷耿耿鄰里  
過便便喧喧鷄犬鳴萋萋陌與阡落落天地間皇  
皇後何言欲結耦耕者與與以忘年四

人壽無百年榮名復幾時世俗厭迫生願與松喬

期學道三五年所遇皆希夷壯士有烈心耿耿獨  
何為一行與世絕泊落歸吾籬在山水常清出山  
水多泥振衣富貴場不如保渴飢安知非道緣天  
地假吾私息心泉石間逍遙樂何疑

五

古意呈張子禎叅藩使君

使從何方來函金入吾戶言將牧伯命致歲遺酒  
脯相隔雲與泥故人意介介君子隆恩施小人念  
微緒自沒棄絕來耕作復田里閭門懼天威婦子  
對勞苦歲時罷會樂飯醕絕鄰里安復用椒棗仰

致累官府下階延使者再拜乞傳語黃爵保野栗  
蠅卿安糞土不敢引古賢溝壑傲其所幸得察民  
私草野見容許

丁酉

計一首

薦卿招同允文子野用脩泛南湖餞允兆  
址遊當席分賦得五言古詩

攜手宴川上送客行遊燕觴豆既錯陳几席亦屢  
遷暮春日候良庶物以蕃鮮仰彼陟高丘俯則濯  
清泉越姬揚吳謳微吟比管絃卜晝繼及夜月出

臨中筵所集匪異人都雅皆時賢酒酣爭樂方歌  
曲奏新篇征夫何踴躍揮釁摩蒼天四方紛無象  
壯士驅中原誰能明子心感激多悲顏

戊戌計一首

贈丁長孺朱君采

兩客挾雙童婉婉叩蓬牖手中何所携雙魚一斗  
酒開關問何人是昔同志友掃石列坐之斟酌亦  
云厚坐中慷慨誰三歎起為壽大路既以陵邪徑  
恥奔走尸位立人朝不如隱蓁莠青青歲後松鬱

霽霜前柳頽保不肖身托駕鞭其後日居與月諸  
天長而地久

己亥

計五首

送費進士元微入朝詩三章

鬱鬱陵上松天天園中花人言抱孤姿不如揚春  
葩及彼實霜來稿然無容華始知歲寒物貞固理  
所嘉誰言爭先驅先驅摧轂牙誰言涉要津要津  
溺無涯盛名難為居衆指如絲麻邪徑難為趨卻  
曲傷樛樑伊人秉正性太白煬冲和保已幸無瑕

何論涅與磨美業要善成公卿皆皤皤自古取世  
資巧不如拙多勿謂言者狂茲路導無差一

臣道貴潔白詩人比素絲昔余製此服重襲宛在  
茲顧念同袍人惟子雅與期豈謂無衣寒貴以美  
羽儀開筭將送君被服朝中趨朝日照列戟光華  
映廷墀誰言京洛塵可以染衣緇願子常被濯改  
服永以宜二

山中何所有石白水洋洋辱子枉前綏贈別無可  
將彼美谷中蘭采之不盈裳睹此非珍物中以流

芬芳處。故人疑出可御君王。將手綰結之襲佩。  
以充。言同心者。此與無相忘三

八雲鸞山贈唐僧孺

系米山中。立立欲清澗。阿光容發曾巖白石。何峨  
峨重樓臨廣庭。中垣被脩籬。要我長松下。携手相  
與歌。願我囊中瓢。挂彼堂下柯。賸言考槃詩。徘徊  
意云何。幸與子同心。交讓將無過。託志雙白鶴。飛  
來鳴相和

偶然

庭肅以無人坐識日氣佳鳥適從何來參差鳴啾  
啾穿戶入中堂啄我盤中醅

庚子

計十二首

孟春

孟春斗柄回天地訢和同陽長庶氣馮蟄戶開相  
通氣至怒羣物生息交鴻濛方晨日出熙光耀羣  
翳空萬物既以發人氣亦融融起行陟丘山百草  
萌茸茸東風噓然來靄靄與我同生居天地間元  
化相無終俯仰遲優游至樂冉何窮



感春

陽德代司今白日開休明心感悅時和起步周檐  
垌東風收微霜融氣入我庭草木有本實當春自  
敷萌方其復命時剝落如可矜萬物理相伏誰能  
長盛盈馳行遂紛華自使傷百情百年精相推一  
老無再榮誰言抱靈知不如蠢所生願瞻世上人  
悠悠誰能明

贈楚孝廉傅仲執四首

因寄馬函

風雲阻四方佳期常苦踈當其遇合時千里以同

居攜手上高山燕喜兩無渝匣中有襲琴十年不  
理微為君鼓再行一闕三歎吁時俗悅高張靡靡  
競為娛不傷知音稀惜彼雅道孤君無薄太始終  
坐聽斯須一

南國饒奇草我思在沅湘託心賦遠遊涉江蹇餘  
芳美人自何來惠然升中堂令德業佳光含情杼  
素華鳳凰攬九天儀羽以輝煌嗟予空谷居山深  
茨棘長欲采中阿芝恐無副清揚何以贈瓊瑤永  
好結中腸二

命駕晨登山俯視江上流滔滔日夜淫欲沂無方  
舟涼風百物衰古人以悲秋之子時秣馬言邁適  
皇州既晤不盡歡當別生百憂四方靡所騁大道  
何阻脩惜無晨風足偕子以遠遊誰當結前綏歷  
涉平九丘贈子以長策努力宣其猷三

我友在朔方同心萬里期抗志托雲霄結言行采  
芝三歲得書札涉江邈何時願因新相知問子以  
所思所思隔遠道欲贈無瑤草四顧秋原中芳英  
亦何少公子悅奇服令顏諧夙好結佩以崇蘭同

臭期所保鸞鳳不獨鳴日月期速老及此厲羽翰  
陵雲逝天表四

采芝

上山采玄芝山高礧多石采采不盈囊燁燁有佳  
色聊云樂吾飢何必黍與稷道逢游少年停車問  
何食攬之不可茹三嗅顧相擲性樂有不同至味  
期一適資生天地間吾須復何物

八月十五虎丘觀樂

是夕無月

江南歲時樂三五秋方中文撓發采菱嬉戲長洲

東向暮吳丘頭聯手來重重列生成連山揚袂生  
飄風行酒侍名姬委祁紛有容渝歌合秦蕭移漏  
曲未終良時愛景光娛讌欣與同人無百年生坐  
惜長夜窮舉首視浮雲奄忽何冥濛安得皎月光  
照此樂融融

贈孝子衛尉勲劉國用三首

國用系青田  
誠意大宗素

官徙宅晉陵好道遺俗篤於至  
性廬居毋墓高其義走吊贈之

白華既遺響枯魚良可哀漢士有徵科丘墓多累  
累高跡千餘年繼者慨以衰聿聿延陵上萋萋蒿

與萊苦草委空廬居人是為誰上有悲啼鳥下有  
芝歲難行行見素冠抱木號如摧秋霜稿百草我  
心惻以懷世喪溺文華薦行誰當推至孝結中腸  
要名夫何為一

遠遊當何期入山徒爾名真人古有言忠孝而淨  
明之子期翩翩谷神學制形懷中有九爐燁燁飛  
黃金未行出世間且為藜莪嗟中夜泣過河哀聲  
通神靈冉冉下九仙袖中藥熒熒授訣吞一九煌  
煌祛三彭明當乘扶搖度海登蓬瀛舉手謝世人

慎勿忘所生二

遠興幾何時人間難可離  
念當述祖德定傾救時  
危歌彼板蕩詩騷騷吁可  
悲伊子傳家風四海奕  
所推權書七十二略凶多  
奇世為國宗臣寧無  
傷運棄仙人張子房赫赫  
帝者師三

采菊

嚴霜行采菊霜白花霏霏  
微風交遠薄芳氣盈我  
衣孟冬山木廓白日照  
熹微采采載行遊下見  
川水漪凌晨來出門日晏  
未言歸方時殺百物霜雪

易見欺託心將有懷顧嘆獨何為

辛丑

計六首

送弟遊閩海五首

同生兩兄弟和樂既綢繆及子晏無事忽為千里  
遊有言結中心不能為子留我聞百越交風土殊  
中州仰指海上雲未別良苦脩抱尊行出祖三酌  
止不酬客行傍他人啓處難自由節飲加一餐適  
足復何求一

送子城南隅方舟河之湄下視河洋洋古人以樂



飢志士抱只尺賤貧安足悲豈曰薄肥輕營殖恥  
難為環堵以寢處薄田足餽糜幸不迫生患求多  
欲何期烹牛沃淳熬一飽同茹菹不視道中啼牽  
衣誰者兒誠不用虛名人亦孰無私二

生而事四方誰能塊處房士貴榮高足遠遊亦有  
當子友盡天衢子猶下帷堂何當抱筆札食鯖諸  
侯傍惜子具今材楚楚被文章徒言知音稀儀羽  
恐未長安知非黃鵠一朝舉翱翔昔與子同飢固  
陋子所明誰云滿腹書不如一錢囊壯士行未老

此氣難可傷三

南園盛芳樹玉湖在其側我行築子宮嫂為炊子  
食晏坐狎友生幸不謀朝夕詩書足言讌釣弋可  
遊息刺股為與期寒裳棄何適同生父母懷分形  
父母膝一形各一心安能兩如一四

不能為子留不忍與子仇秋霜以為期遲子涉江  
流孟冬海候寒念誰授縫裘壯士恥為家殫鋏胡  
不休餬口于四方人亦為我尤蕩子終難為南方  
無久留

贈進賢令黃貞父以朝還訪予于大石居  
坐談而別

行止何能同寸心要不忘執手若須臾誰言離別  
長坐于山之阿下臨水洋洋四顧虛室寒牀頭無  
酒漿何以叙慇懃相慰唯慨慷我歌河之魴子歌  
何草黃竟以不重言別亦無霑裳金斷亮不渝千  
里如同堂

秋泛西湖放生暮同開之長孺僧孺景升  
雨中遊無門洞賦五言古得瑟字

朱太復乙集

詩卷之三

十七

朝寒芙蓉英暮采桂華實有期  
山中人從邁理孤榮涼秋風云  
厲微雨既蕭瑟崇岡引載途陰  
溜啓絕壁雀鳴空林中鼠走長  
松末洞門岌以幽古石如白雪  
言有黃龍游徃徃興雲窟感此  
化人居願言投偃息神仙何當  
期年徃如過隙無為人世中  
戚戚使生迫

朱太復乙集卷之三終